

02.04.2019թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 002330/02-Վ

ՎԱՐՉԱԿԱՆ ՎԱՐՈՒՅԹԸ ՎԵՐՍԿՍԵԼՈՒ ԵՎ ԿԱՐՃԵԼՈՒ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Արման Մնացականյանս, քննելով 02.04.2019թ. թիվ 2330 վարչական իրավախախտման վերաբերյալ գործը և կից նյութերը,

ՊԱՐԶԵՑԻ

Արսեն Ասիլյանը (Անձնագիր՝ AR0485139, հասցե՝ ք.Երևան, Արտաշիսյան 102) ՀՀ Հայաստանի Հանրապետության և եվրասիական տնտեսական միության անդամ պետությունների միջև անուղղակի հարկերի հաշվարկման և վճարման առանձնահատկությունների մասին» ՀՀ օրենքի 8-րդ հոդվածով սահմանված ժամկետում հարկային մարմին չի ներկայացրել **20.11.2018թ-ին** կատարված ներմուծման վերաբերյալ հարկային հայտարարագիրը, ինչի համար վարչական պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 169՝ հոդվածի 2-րդ մասով:

Վարչական վարույթի շրջանակներում կողմին փոստային ծառայության միջոցով ծանուցագիր է ուղարկվել վարչական իրավախախտման վերաբերյալ արձանագրության կազմմանը և գործի քննությանը մասնակցելու համար, սակայն 19.02.2019թ-ի դրությամբ ծանուցագրի ստացման փաստը հավաստող ապացույց առկա չի եղել:

ՀՀ ՊԵԿ իրավաբանական վարչության պետի կողմից համաձայն «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին մասի «ա» կետի 19.02.2019 թվականին կայացվել է վարչական վարույթը կասեցնելու մասին որոշում:

Վարույթը կասեցնելու մասին որոշումը և վարչական իրավախախտման վերաբերյալ ծանուցագիրը ուղարկվել են հասցեատիրոջը:

Գործի քննության ընթացքում Ա.Ասիլյանը բացատրագիր է ներկայացրել այն մասին, որ 2018թ-ի նոյեմբեր ամսին կատարված ներմուծման վերաբերյալ համապատասխան փաստաթղթերը հարկային մարմնի կողմից ստացել է՝ 25.03.2019թ-ին, որից անմիջապես հետո՝ 26.03.2019թ-ին ներկայացրել է ներմուծման հարկային հայտարարագիրը և վճարել է առաջացած բոլոր հարկային պարտավորությունները:

Նշված հանգամանքները հիմնավորվել են Ա.Ասիլյանի կողմից ներկայացված փաստաթղթերի և ՊԵԿ տեղեկատվական համակարգում առկա տվյալների ուսումնասիրության արդյունքում:

Նկատի ունենալով, որ բացակայում է վարչական իրավախախտման կազմը, և ղեկավարվելով Վարչական իրավախախտումների վերաբերյալ ՀՀ օրենսգրքի 244², 281 հոդվածներով, 247-րդ հոդվածի 1-ին մասով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Կասեցված թիվ 2330 վարչական վարույթը վերսկսել:

2. Արսեն Ասիլյանի նկատմամբ հարուցված թիվ 2330 վարչական վարույթը կարճել:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄԱՅԱԿԱՆՅԱՆ

